

02.09.2015.



Na inicijativu Ministarstva za privredu BPK Goražde, predstavnici Ministarstva razvoja, poduzetništva i obrta FBiH boravili su danas u Goraždu kako bi pojasnili predstavnicima općina u sastavu kantona i poduzetnicima na koje javne pozive za dodjelu finansijskih sredstva mogu aplicirati u ovoj godini. Kako je istaknuto na današnjem sastanku, u proteklom periodu Bosansko-podrinjski kanton bio je zapostavljen i vrlo malo sredstava bilo mu je dodijeljeno po projektima federalnih ministarstava.

„S obzirom da u prošlom mandatu ovo Ministarstvo za naš kanton nije ništa učinilo mi ćemo učiniti sve kako bi sad dobili što više sredstava za ove naše tri opštine. Na sastanak danas pozvao sam načelnike sve tri općine, privrednike, obrtnike i sve druge koji mogu aplicirati po ovom programu. Ministar nije bio u prilici da dođe, ali je poslao svog zamjenika da proba na sva pitanja odgovoriti kako da pomognu ovom kantonu. Ja sam tražio da se našem gradu omoguće sredstva u iznosu od milion konvertibilnih maraka, zavisno od projekta koji bude najbolji za naš grad. Postoji volja i želja i sad je na nama da napravimo projekte i apliciramo kako bi dobili ta sredstva“-istaknuo je ministar za privredu BP Goražde Esed Radeljaš.

Sredstva koja su u ovoj godini odobrena odnose se na projekte koji imaju za cilj podršku razvoja poduzetničkih zona, kreditnih podsticaja poduzetnicima te grant sredstva za poduzetnike i obrtnike.



Izvor: www.bpkg.gov.ba